



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

5. Nec etiam jus Patronatūs.

urn:nbn:de:hbz:466:1-38277

pendent, & ex ista consequuntur, id verissimum est, & in hoc sensu Canones loquuntur, ut videre est apud Glossam (a) & Barbosam, (b) aliisque Doctores. (c) Cæterum ex fructibus hoc sensu acceptis nulla consequentia duci potest, quæ Regalia faveat: illi enim fructus à sacra, & Episcopali potestate proveniunt, & sunt in se ipsi jus aliquod sacrum, subiacentque dispositioni sacrorum Canonum, non verò legum prophanarum: non ergo ad potestatem Regiam pertinere potest, nec Regijs Edictis induci, extendique, quod eleganti, & plenâ libertatis voce S. Ambrosius Valentiniatum Imperatorem monebat: *Noli, inquiens, te gravare Imperator, nuputes te in ea, qua Divina sunt, imperiale aliquod jus habere: noli te extollere, si vis diutius imperare: ego DEI subditus; scriptum est enim, qua DEI, DEO, qua Caesaris, Caesaris: ad Imperatorem palatia pertinent, ad Sacerdotes Ecclesia: publicorum tibi manum jus commissum est, non sacrorum: si ex meis aliquid posceretur, aut fundus, aut domus, aut aurum, aut argentum, id, quod mei juris est, libenter offerrem; sed templo DEI nihil possum decerpere, nec tradere illud, quod custodiendum, non tradendum accepi.* (d) Hæc est vera sacerdotum Patrum, & antiqua jurisprudentia, quorum ego vel unam, liberamque vocem, & tamen charitatis, ac reverentiae plenam, pluris æstimem omnibus illis blanditijs, & adulatio[n]ibus, quas Maimburgo aut timor, aut cupiditas dictavit, & animus in omne obsequium devinxerit, nullo honesti in honestique discrimine, ac servo, quam Sacerdote dignior.

V. Opponitur s. Rex Galliæ Patronus est omnium, quæ in Gallia sunt, Ecclesiarum, & Beneficiorum; atqui Patroni privilegium, & munus est, ut præsenter, nominetque ad Beneficia vacantia, idque præcipuum Regaliæ caput est: quod si Regibus concedas, cur non etiam aliud, quod multo inferius est, jus videlicet percipiendi omnes vacantium Ecclesiarum fructus?

¶. Duobus modis Patronus dici aliquis potest: primo, quia Ecclesiam aliquam fundavit, dotavitque: secundo, quia unius, aut plurium Ecclesiarum Advocatus, & Defensor est, id enim præcipue ad Reges spectat, ut Ecclesiæ auctoritate suâ muniant,

P pro-

(a) Gloss. in cap. cùm olim. de Major. & obed. (b) Barb. de Appellat. verb. 103. n. 21. (c) Rosa, Rebuffi. (d) S. Ambros. epist. 33. & in orat. contra Maxentium.

Gallia
Vindicata
G III
3. c

protegantque; sed neuter hic titulus fundandæ Regaliae, multo
que minus totâ Galliâ, devictisque Provincijs proferendæ. Qui
fundavit, dotavitque Ecclesiæ, jus quidem habet nominandi Pa-
stores; sed aliud est nominatio, aliud, quod obtenuit Regalia
usurpatum: nominatio, jus examinandi, instituendi, confirman-
dique, Episcopis, Metropolitanis, aut Summo Pontifici relinquit,
quorum nihil observatur in Beneficijs Regaliae titulo obtentis;
haec enim pleno jure à Rege conferuntur, omnes Episcoporum, &
Pontificis partes peragente. Deinde quām multæ sunt Ecclesiæ,
quæ à Regibus nec fundatæ, nec dotatae sunt; quo ergo jure etiam
istæ Regaliae subduntur? An verò in Gallia solum Patronos re-
rire est, & non etiam toto orbe Catholico? quis istorum tamen
Regaliam ambivit, usurpavitque? & mirum est, toto quatuor sa-
culorum decursu, omnibus retrò Galliæ Regibus, totique Concilio
Lugdunensi, & Gallicanæ Ecclesiæ jus iftud ignotum, imò exo-
sum, proscriptumque fuisse: cum tamen abundarent, qui Ecclesiæ
fundabant, dotabantque, & Patroni titulum merebantur. Plant
si Regalia titulo Patroni nitatur, non solum defuncto, sed etiam
vivente Episcopo omnes Canonicatus, & alia Ecclesiæ Beneficia
conferri à Patronis possent, quod ne ab ipsis quidem conceditur,
qui Regaliam maximè tuentur. Denique Canones omnes antiqui,
recentisque pervolvantur, (a) & nunquam Patronis concessum
fuisse reperies, ut vendicare sibi possent proventus Ecclesiæ, imò
id illis enixè prohibitum. Quod ergo Patroni Ecclesiæ aut funda-
verint, aut dote instruxerint, nihil eos juvat, ut Regaliâ frui po-
sint. Sed nec titulus Protectoris, Advocatiique. Verum est nihil
magis, quām Ecclesiæ curam, & tutelam Regibus deberi; in
illis enim pro eorum salute, & felicitate preces, & vota deponen-
tur: & magis apud aras, quām in ipsis castris victoriae parantur,
Deo precibus, non armis placato; quod egregiè Patres Concilii
Parisiensis adnotarunt, quorum inter alia hæc sunt verba: (b)
Clementissimus Imperator, (Ludovicum Pium alloquuntur) non ideo est va
misericordia preparatum in gloriam, quia apicem terreni Principatus accepit; si
si in Imperiali culmine rectâ fide vivat: si p[re] omnibus ita se sanctæ Matris Ecclesiæ
memori

(a) V. Can. filij. 16. q. 7. &c. 4. de jure Patron. & Trid. Sess. 25. de Reform. c. 9.
(b) Conc. Parisiens. sub Ludov. Pio. Imperat. l. 2. c. 1. & 2. Tom. 3. Conc. ann. 82.

menimerū filium, ut eus paci, & tranquillitati per totum mundum prodeesse, sum faciat Principatum; magis enim Christianum regitur, atque propagatur Imperium, dum Ecclesiastico statui per omnem terram consultatur, quam cum in parte quacunque terrarum pro temporali securitate pugnatur; Principes enim seculi potestatis adepta culmina tenent, ut per eandem potestatem, disciplinam Ecclesiasticam muniant. Ceterum intra Ecclesiam potestates necessariae non essent, nisi ut quod non pravalet Sacerdos efficeret per doctrina sermonem, potestas sua imperet per disciplina terrorem. Sepe per Regnum terrenum cœlestis Regnum proficit, ut qui intra Ecclesiam positi contra fidem, & disciplinam Ecclesie agunt, rigore Principum conterantur. Cognoscant Principes seculi, debere Deo rationem propter Ecclesiam, quam à Christo tuendam suscipiant; nam siue augeatur pax, & disciplina Ecclesie per fideles Principes, siue solvatur, ille ab eis rationem exigit, qui eorum potestati Ecclesiam creditit. Reges ergo Ecclesiastarum Patroni, & Protectores sunt, at non ideò vendicare sibi Regaliam possunt; hæc enim protectioni potius, & turela repugnat; Ecclesiæ enim suis fructibus, & iuribus, quæ in vacanta Beneficia habet, exuere, & Regijs thesauris inferre, non tueri, sed prædari est, nec protegere, sed vastare; quod tamen à Regum pietate, & intentione, si veritatem doceantur, alienissimum est: & ideò tot Canonum Regumque Edictis, & omnium ferè Gallia Juris-Consultorum, Regijque Parlamenti votis Regalia damnata est, aut saltem intra certos terminos cohibita, ut suprà ostendimus; quamvis haud ignorarent Protectores, seu Patronos Ecclesiastarum Reges esse. Quòd si quæras, quo igitur stipendio, aut mercede Reges Galliæ Ecclesiæ tueantur, si expertes Regaliæ sint?

Respondebo, indignum esse de stipendio, & mercede cum Regibus loqui; hæc enim servorum præmia, non Principum sunt; an parùm lucri est Deum habere debitorem, & viتورias, ac triumphos mercedis loco esse, & fortunam in obsequium accinctam? hoc stipendio Constantini, Theodosij, Clodovæi, alijque Ecclesijs militârunt; quanquam nec ingratis Ecclesiæ fuisse satis decimæ loquuntur, aliaeque Cleri Gallicani ingentes largitiones.

VI. Opponitur 6. Qui Ecclesiæ, aut fundârunt, aut dotârunt, jure præsentandi gaudent; (a) quantò magis Reges hoc ipso jure, totóque Regno gaudebunt, qui Ecclesijs multò majora Beneficia

P 2

con-

(a) Russæus 1. p. præfat. n. 7.

Gallia
Indicata
G. II
234